



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005
E-mail: info@colegioarubano.aw

Na e alumnonan di CB1, CB2, H3, H4, V3, V4 y
V5 y nan mayor/cuidado

Oranjestad, 10 di juni 2025

COLAUA: 2024/2025– 208

Topico: Informacion tocante finalisacion di e aña escolar

Apreciabel mayor/cuidado, alumno,

E final di e aña escolar cada bes ta mas cerca. Den poco menos cu dos siman e ultimo periodo di CP ta inicia. Den e carta aki lo tin informacion tocante e actividadnan pa e resto di e aña escolar aki.

12 di juni: resultado di examen pa e prome periodo

Diahuebs dia 12 di juni, pa 2or am, lo ricibi e normanan cu cual lo calcula e cifranan di examen y e cifranan final di e candidatonan pa examen. Na e momento ey un team lo cuminsa traha mesora pa calcula tur cos y determina e resultado preliminar. Lo determina e resultado final mas laat e dia ey y despues lo tuma luga e *Bahamento di Lista* den e oranan di atardi, unda lo anuncia e graduadonan. Pa e candidatonan di VWO esaki lo cuminsa 16:30 or y pa e candidatonan di HAVO, 17:30 or. Diahuebs awo lo ta un dia hopi emocionante pa hopi alumno. Nos ta spera un bon resultado.

Cambio di rooster 12 di juni

Como cu lo anuncia e resultadonan dia 12 di juni y e aña aki esaki mester sosode den un cuadro di tempo hopi cortico, nos ta haya nos obliga di tene e reunion di resultado cu e examinadonan durante ora di les. Tur les for di e prome te cu e di seis periodo ta sigui normal. Pero por bin cambio den e periodonan cu ta sigui. Lo anuncia e cambionan aki via Magister. Esaki ta conta pa e klasnan di H4, V4 y V5, cu ta e klasnan cu ta ricibi les principalmente door di e examinadonan.

Cambio di rooster 17 y 18 di juni

Debi cu hopi diahuebs y diabierna a cancela pa motibo di dianan di fiesta, nos lo draai e rooster di diahuebs riba diamars 17 di juni y e rooster di diabierna lo draai riba diaranson 18 di juni. Por favor tene cuenta cu esaki cu transporte.

Periodo di CP6

E periodo di CP6 lo tuma luga for di **diahuebs 19 di juni te cu diahuebs 26 di juni 2025**. Diaranson 18 di juni ta un dia regular di scol caminda algun alumno di H4 tin un CP, despues di cua nan ta sigui cu les normal. A manda e rooster di CP diabierna ultimo.

E candidatonan di examen lo ta ocupa for di 17 te cu 24 di juni cu nan segundo chens pa traha examen.



[@colegioarubano](https://www.facebook.com/colegioarubano)



[@colegio_arubano](https://www.instagram.com/colegio_arubano)



colegioarubano.aw

E dianan di recuperacion di CP

Esnan cu pa motibo valido no a traha un CP, por recupera e CP despues di a entrega e carta di Medwork. E dianan pa recupera CP ta para riba e rooster. Pa tur claridad: diabierna **27 di juni** y dialuna **30 di juni** 2025 pa tur alumno.

Revision di CP y finalisacion di e cifranan

Riba **diaranson 2 di juli 2025** e alumnonan tin e oportunidad pa controla nan trabou di CP6 y nan cifra final riba rapport entre 8.00 y 10.30 am. Despues di esaki e cifranan ta bira definitivo. Solamente e alumno por ricibi su CP coregi. Pues, no ta posibel pa un otro persona wak y/of busca e CP. Lo atende cualkier pregunta of cambio den cifra e momento ey. Asina cu bandona e lokaal cu e CP, no por haci cambio na e cifra mas.

Entrega di rapport

Entregamento di rapport lo ta riba **diaranson 9 di juli 2025**. Pa 8.00 am lo reparti e rapportnan na tur alumno. Peticion pa busca rapport mas prome no lo ta posibel pa motibo organisatorio. Si un alumno no presenta na e entrega di rapport, e por busca su rapport na administracion di scol despues. E administracion di scol ta habri durante e prome siman di vakantie den ora di oficina. Solamente e alumno por busca su rapport, y si e ta menor di edad, un mayor of cuidado legal por busc'e p'e.

Disponibilidad di Magister

Despues di entregamento di e cifra di CP, e cifranan lo bira visibel riba Magister. E puntuacion final lo bira visibel unabes cu termina cu e ultimo reunion di revision.

Vakantie ta start oficialmente riba **diahuebs 10 di juli 2025**. Entretanto tin hopi cos cu ainda mester tuma luga. No a menciona e entregamento di buki den e carta aki. Lo ricibi un carta apart tocante esey for di *boekenfonds*.

Na number di e docentenan y di e directiva di scol, mi ta desea tur alumno masha exito den e periodo cu ta den porta. Pone hopi esfuerzo pa bo por cera e aña aki den un forma positivo.

Cu un saludo cordial,
Na number di e directiva di scol,


M. Boekhoudt-Wernet, MSc Ed.
Conrector